

## Namołwa němskich biskopow k póstnej akciji Misereor 2022

Lube sotry a lubi bratřa,

temperatury stupaja, spadki padaja ředšo, za to na někotrych městnach w ekstremnych mnóstwach. To dožiwjamy po wšěm swěće, tež w Němskej. Ale někotre kraje su runjewon dramatisce potrjechene. W Bangladešu a na Filipinach rěča wo klimowym nuzowym stawje. W sylnje rosćacych městach ćerpja ludžo pod smalatej horcotu. Stupace wódne pegele rubja jim jich žiwjenski zakład.

Tutón nuzowy staw je wot čłowjekow zawinowany. Jón přewinyć, je prašenje sprawnosće. Akcija skutka Misereor přisporja zmužitosć: „To dže! Sprawnje.“

Ludžo na Filipinach a w Bangladešu pokazuja, kak móže so přiměrjenje na změnu klimy radzić. Chaty w chudžinowych štwórcach, na kotrychž třěchach a scěnach rostliny rostu, su přećiwo přesylnemu zwohrěwanju škitane. Zdobom noša rostliny płody k zežiwjenju swójbow. Na derje wutwarjenych kolesowanskich pućach a na chódnikach móža so chude skupiny ludnosće do šule abo na džěto, klimu škitajo, tunjo a wěsće pohibować. Zhromadnje z projektowymi partnerami tam stare wobstatki štomow škitaja.

„To dže! Sprawnje.“ Z podpěru Misereor móža ludžo w globalnym juhu wjele zahibać. Postajmy z póstnej akciju jasne znamjo socialneje a ekologiskeje sprawnosće po wšěm swěće. Stupmy so ze svojim wulkomyslnym darom na stronu partnerow Misereor a zwjazajmy so z nimi za nich a z nimi so modlo.

w Fuldze, 23. septembra 2021

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

---

Tale namołwa ma so 4. póstnu njedzělu, 27. měrcu 2022, we wšěch Božich službach (tež na předwječoru) předčitać a wosadam nimo toho w hinašej kmaneje formje spřístupnić. Kolekta 5. póstnu njedzělu, 3. apryla 2022, je bjezwuwzačnje za biskopski pomocny skutk Misereor postajena.